

东南纪事

(外十二种)

〔清〕邵廷寀 等著

明代野史丛书

北京古籍出版社



K248.3
3

94648

明代野史丛书

〔清〕邵廷宸 等著

东南纪事
(外十二种)

北京古籍出版社

图书在版编目 (CIP) 数据

东南纪事(外十二种)/[清]邵廷家等著. —北京:北京古籍出版社,1999

(明代野史丛书)

ISBN 7-5300-0224-4

I. 东… I. 邵… III. 野史-中国-明代
IV. K248.306.6

中国版本图书馆 CIP 数据核字(1999)第 54290 号

明代野史丛书
东南纪事(外十二种)
[清]邵廷家 等著

*

北京古籍出版社出版
(北京北三环中路 6 号)

邮政编码:100011

网 址:www.bph.com.cn

北京出版社出版集团总发行

新华书店经销

北京市朝阳燕华印刷厂印刷

*

850×1168 32 开本 12 印张 188 000 字

2002 年 9 月第 1 版 2002 年 9 月第 1 次印刷

印数:1—4 000

ISBN 7-5300-0224-4/K · 83

定价:22.00 元

总 目 录

保定城守纪略·····	[清] 戴名世 (1)
榆林城守纪略·····	[清] 戴名世 (11)
乙酉扬州城守纪略·····	[清] 戴名世 (23)
江阴城守纪·····	[清] 韩 荃 (37)
江阴城守后纪·····	[清] 许重熙 (85)
江上遗闻·····	[清] 沈 涛 (93)
江变纪略·····	[清] 徐世溥 (109)
扬州变略·····	[清] 佚名 (135)
淮城纪事·····	[清] 佚名 (141)
东南纪事·····	[清] 邵廷案 (155)
江南闻见录·····	[清] 佚名 (339)
东江始末·····	[清] 柏起宗 (355)
赐姓始末·····	[清] 佚名 (365)

保定城守纪略

崇祯十六年，因贼祸孔棘，建牙之吏，遍于畿辅，人地互乖，权位牵制，乃撤去总督二、总督治巡抚九、总兵二。而保定旧设一总督、一巡抚，至是撤去总督，而以兵部右侍郎徐标为巡抚。标别募兵七千，肄习战车火器成一军。京师凡千里，凡设总督二、巡抚九，皆治兵以拥护京师。自山海、永平达于通州、天津；而昌平，而怀柔，而阳和，而宣府，而大通，而宁武，至山东、河南，凡十三节镇，居京师咽喉皆指之处。即有缓急，可呼吸惟命。然法令久弛，兵与将多不习战，贼至辄望风溃。惟保定坚不下，死义甚烈焉。

初，贼之渐逼畿辅，上倚督师李建泰、保定巡抚徐标以为重。建泰之出也，迁延观望，托言有疾不能军，其左右已阴通贼。而徐标行部至真定，为副将谢嘉福所杀，遣人出固关迎贼。是时新在保定知府何复未至，同知邵宗元署府事。而郡人张罗彦，以光禄寺少卿家居，罗彦兄弟五人，其兄进士张罗俊，弟诸生张罗善，武进士张罗辅，皆守死。而张罗喆出亡，幸

以免。

初，上之命建泰督师也，甫出京，而宣、云已报陷。保定总兵马岱介，夜见张罗彦曰：“贼分两路来，任珍自固关，刘芳亮自河间。吾当出镇蠡县，居冲要以待敌。请杀妻子以决死战。城守之事，一惟公等任之。”罗彦曰：“诺。”旦日，岱果焚其妻孥十一人，率师去。罗彦兄弟与宗元，及后卫指挥刘忠嗣主城守事，收召乡兵得二千人，与郡人故邠州知州韩东明，故平凉通判张维纲，诸生韩枫等，刑牲盟北城上。而适闻真定之变。谢嘉福以反书至，罗彦裂之。而分汛设守，部署稍稍定。

监视太监方正化者，旧守保定有功，素善罗彦，因罗彦以识宗元，与知府何复先后至。复之来，为保定也，誓必死而后入。既入，宗元欲以印授复。复曰：“城中事先定自公，不可临敌易主，以摇视听。吾当同生死耳。”大会诸生，讲《见危授命》章，闻者为之益奋。

李建泰军道溃，所赍帑银以数万，卫者仅亲军五百人，退师抵保定。守者不纳。贼将刘芳亮且至。建泰使其中军郭中杰、李勇，因金毓峒以求入。金毓峒者，为监察御使，有声。十七年春正月，召见，便殿赐宴，命监宁大军。宣大，俱奉建泰节制者也。及宣

大失，复命留守保定。是时保定之属，贼骑已充斥。毓峒入城，谓守者曰：“勉之，戮力固守，以为京师捍卫，此睢阳之烈也。”散家赀犒士，士皆为之感泣。至是毓峒谓罗彦、宗元曰：“吾等不可使督师陷贼。”乃开城纳之。

明日，芳亮兵抵城下，呼曰：“城上人何以不降！”罗彦顾其下，厉声曰：“苟欲降者，取我首去！”刘忠嗣抚剑曰：“有不从张氏兄弟者砍之！”怒目发上指。众诺声如雷。贼惊顾，退五里而舍。是为三月二十日也。

明日，贼大至环攻。会闻京师已陷，罗彦兄弟、宗元等哭曰：“曩者只城守，今则复君父仇矣。”各饮泣北向拜，又罗拜重订盟。毓峒大出银牌悬堞上，购贼头。罗彦复出钱佐赏。贼乃穿城壕涸其流，伐木治攻具。

二十二日，贼大攻西北陬。守者奋杀贼无算。贼绕城诟，守者更切齿。张光禄随射书入城，说以国亡谁与守。建泰得之，以示何复、方正化曰：“宜为阖郡生灵计，得一用印降书，足以免。”正化泣不应。复曰：“复固未尝受印也。即有印，复必不为此！”乃召宗元。宗元至而自顾其肘曰：“前日何公让印，而宗元不辞，为城守先在宗元耳。今事急且抱印死，即何公争亦不与。肯以送阁下降书乎！宗元江南一老贡生，下吏薄

禄，尚不肯北面事贼，阁下以宰相专征，不图报万一，乃为趣降，独不念皇帝亲祖正阳门君臣相别时乎？”建泰不能答。其从卒欲兵之，思夺其印。宗元掷印于地，拔佩刀欲自刎，左右力持之。俄而罗彦、毓峒驰至，取印纳宗元怀中曰：“亟上城御贼！”

二十四日，贼火箭烧城西北楼，何复焚死。李建泰亲军反，杀方正化于城上。城遂陷。

张罗彦归至家，先是书壁曰：“光禄寺少卿张罗彦义不受辱，誓死井亭。”及是视其妻妾及子妇入井，而后自经。有三犬守之不去，一贼跣足过，犬啖之绝其拇。群贼骇，乃藉橐埋之。

罗俊击贼刃脱，两手抱一贼。啖其耳，血淋漓口吻间，大呼曰：“我进士张罗俊，不降者我也！”群贼刺杀之。初罗辅欲卫其伯兄罗俊，溃围出，罗俊不从。至是射杀数贼，矢尽驰马横刀砍贼，贼围之裂尸死。罗善投井死。而罗彦之子晋，罗俊之子坤，皆不屈死。

宗元挈印投城下，贼获之，欲夺其印，不肯，骂贼死，手犹持印不解。贼断其两指取印去。毓峒守西城，城陷。一绿衣贼追毓峒入三皇庙。毓峒拳击贼仆地，携监军御史印，投庙前古井死。武举金振孙者，毓峒从子也，素负气，城守多杀贼。至是同事者多解甲匿，振孙衣其银铠，戴胄佩剑大呼曰：“我金振孙，金

御史侄，城头杀贼者我也。”贼支解之。

刘忠嗣先城未破一日，手授其妇女弓弦自尽，身仍登陴，城破被执，犹夺贼刀杀两人，剜目劓鼻以死。

左卫巡捕文运昌，同妻宋氏死。韩东明投井死，子仲淹射贼坠城死。张维纲骂贼死。举人高泾死于水。孙纵范被杀。张尔崧同妻唐氏死。贡生郭鸣世手击贼死之。诸生贺诚同妻女死。何一中同妻赵氏死。王之诞同妻齐氏及三子二女俱死。韩枫同妻王氏死。

其余殉城者，世袭指挥则有刘洪恩、戴世爵、刘元清、吕九章、李照、李一广；千户则有李尚忠、杨仁政、纪勋、赵世贵、刘本源、侯继先、张守道；百户则有刘朝卿、刘悦、田守正、王好善、强忠武、王尔祉等。职官散官则有守备张大同、同子张之垣（战死）、副总兵吕应蛟（缢死）、武进士陈国政（投井死）、忠顺营中军梁儒孝、把总申锡郝国忠、中卫镇抚管民治、主簿沙润明、材官王遵义、医官吕国宾、王之璜、王之琯等。诸生则有杜日芳、王弦、冯泽、王胤嘉、吴拭、韩廷珍、杨善举、何光岳、韩绍淹、顾学曾、王敬嗣、王继桂、赵君晋、王昌祚、孙诚、赵世珩、杨拱辰、王建极、阮积学、王世珩、王致中、周之翰等。义民则有田仰名、田自重（互杀其妻，乃自缢）、刘宗向、杨强子、张嘉善、郑国宁、李茂伦、王

捷、张智、刘养心、朱永宁、胡来献、胡得迎等。儒士则有刘士琯、王景曜、黄栋等（或骂贼被杀，或自缢死）。

而妇女之殉节者：则有陈禧母张氏、母杨氏、妻常氏、妹诸生金纓妻陈氏并侍婢四人、进士王廷绉妻张氏等，凡六十人，俱投井死。诸生高植妻王氏、举人高柱妻刘氏、锦衣卫千户贺喆妻霍氏等十一人，俱自缢死。而张氏一门，自罗彦下死者二十有二人。罗彦伯母李氏骂贼死。罗善妻高氏携其三女，罗辅妻携其幼子二女，张晋妻师氏，罗士妻高氏，罗喆妻王氏，张震妻徐氏，张巽妻师氏，罗彦妾宋氏、钱氏、田氏，皆投井死。

而罗彦妻赵氏，当城破之时，语罗彦曰：“余忝受朝廷诰命，愿与君同缢。”乃结双环于井亭，先引环，环绝堕地，伤股落二齿，及少苏，匍匐入井，是时子妇及妾已死于井矣。自投而下。逾一日夜不沉，家人闻井中有声，出之，复索刀欲自裁，家人防之不得，倒投于井中。旋浮水上，又不死。阅两日夜，有邻人挽之出曰：“夫人环不能死，井不能死，此天欲以孤付夫人也。”是时晋幼子华宗尚存。乃匿空室中，已而潜出城以免。

初自成闻保定坚守，议出师，及既陷，犹欲屠之。

或有止之曰：“保定守于京师已亡，此忠义也。何可尽杀！”乃止。然城中街巷，死尸狼藉，沟渠皆满，伪官使其军士举之三日不能尽。而郡人故工科给事中尹铎、举人刘会昌、贡生王联芳、诸生王世琦，皆与韩东明、张维纲，佐罗彦、宗元守城者也，刘芳亮仍执而杀之。且悬赏购张氏、金氏子弟之存者。郡人莫应。已得毓峒侄肖孙，问毓峒子所在，备极炮烙，终不言。贼释之，遂以免。

而李建泰竟降贼，贼率之入京师，而以伪将张洪守保定，张洪分收诸下邑。

而马岱居蠡县，势弗支，自刎弗殁。张洪缚而致之自成。自成以其将毙，释之。寻为僧道遁去，不知所终。

榆林城守纪略

明时天下之势在九边，而陕西有三：曰延绥，曰宁夏，曰甘肃。延绥之属有四卫：曰庆阳，曰延安，曰绥德，曰榆林。榆林与河套接壤。河套东接山西偏头关，西至宁夏，相距二千里而遥，北滨黄河，南以边墙限之，自古郡县绣错其中。明初，即唐受降城故地，营东胜，跨河北，以卫套中；已而弃东胜不守，则河套遂失。而镇将驻绥德，苦遥制非便。成化中，都御史余子俊巡抚延绥，相度形势，增置营堡，而移绥德重兵镇榆林。清厘陕人有伍籍诡落及罪谪者徙实之。兴屯田，立学校，事皆创始，而经划周密，自是榆林遂为大镇。

其地多沙磧，民不事生产，大抵荷戈从军，俗尚雄武，而多将才，有气节，视他镇为最。

崇祯初，府谷人王嘉胤反，自是盗大起。名贼巨滑，皆在延安府属，官军不能制。崇祯十六年，米脂贼李自成陷西安，遣其伪亳侯李过，伪磁侯刘芳亮，引兵北略地至榆林。